

李

杜

全

集

李

杜

全

集

分類補註李太白詩卷之八

明長洲許自昌玄祐甫校

歌吟 五十三首

秋浦歌十七首

秋浦長似秋蕭條使人愁

齊賢曰唐志武德四年析宣州之秋浦南陵二縣置

池州秋浦王贊曰公華志秋浦隋縣名唐置池州池陽記曰秋浦帶郡城南連驛道爲舟楫之路曹植詩中野何蕭條古

詩蕭蕭愁殺人

客愁不可度行上東大樓正西望長

安下見江水流

齊賢曰譚子新論曰人有聞長安之樂則出門西向而笑王贊曰王粲詩

回首望

寄言向江水汝意憶儂不遙傳一掬淚爲我

長安

達揚州

齊賢曰吳人以我爲儂士贇曰詩云終朝采綠不盈一掬汪云兩手曰掬韻釋在手曰掬

作掬

其二

秋浦猿夜愁黃山堪白頭清溪非隴水翻作斷腸流

齊賢曰九域志池州貴池縣有清溪鎮浮丘公與黃帝遊黃山駐天都峰今有浮丘仙壇王贇曰圖經黃山舊名山在歙縣西北百二十八里宣州太平縣南三十里高千一百八十仞郡志其山有摩天憂曰之高宣歙池饒等州並是此山之支脉山有水源三十六溪其一爲浙江之源清溪在池州盛約記云清溪南來九華東引洪流環繞沃野彌望隴水事見一卷愁陽春賦注胡兆秋浦志序曰九華五松清溪秋浦玉鑑之潭水車之嶺成紀曰笥之陂太白樂天故之論文垂釣問山弄水登覽遐躅隱然在人耳目山

川風物清
和平曠

欲去不得去薄遊成久遊何年是歸日雨

淚下孤舟

士贇曰孫綽子曰或問賈誼不遇漢文將退耕于野乎將薄遊于朝乎謝朓詩薄遊

第從告思閑願罷歸顏延年詩曷爲久遊客憂念坐殷曰

其三

秋浦錦駝鳥人間天上稀山雞羞淥水不敢照毛衣

齊賢曰虞衡志南中有一錦鷄一名金鷄形如小鷄項鬃毛金色身紅黃相間極有文彩目微白湖南北亦有之意錦駝即此類也博物志山雞有美毛自愛其色終日映水目眩則溺死士贇曰唐書突厥頡頏曰若天上則臣不知人間無有也此形容錦駝鳥之美山雞之所不如也

其四

李詩補註 卷八
兩鬢入秋浦一朝颯已衰猿聲催白髮長短盡成絲

王贊曰左思詩星
星白髮生于鬢垂

其五

秋浦多白猿超騰若冰雪牽引條上兒飲弄水中月

齊賢曰蜀都賦猿狔超騰而競捷王贊曰吳都賦猿
父哀吟猿子長嘯狔鼯果然騰踔飛超莊子肌膚若
雪

其六

愁作秋浦客強看秋浦花山川如剡縣風日似長沙

齊賢曰九域志越州東南二百八十里剡縣王
猷在山陰雪夜憶戴安道在剡便乘船訪之望門而

返世說顧長康從會稽還人問山川之美顧云千巖競秀萬壑爭流草木蒙籠其上若雲興霧蔚唐潭州長沙郡治長沙縣盛弘之荊州記曰長沙西岸有麓山其下有精舍左右林嶺廻環泉澗傍有磐石每至嚴冬其水不停霜雪

其七

醉上山公馬寒歌甯戚牛空吟白石爛淚滿黑貂裘

齊賢曰戰國策蘇秦說秦王書十上而說不行黑貂之裘弊黃金百斤盡士贇曰山簡事見五卷註甯戚歌事見四卷

鞠歌行註

其八

秋浦千重嶺水車嶺最奇天傾欲墮石水拂寄生枝

齊賢曰列子天傾西北漢蔡邕曰欲墮不墮遇王果
張衡詩桑末寄夫根生兮卉既彫而已毓注根生謂
寄生也本草桑上寄生一名寄屑士贊曰秋浦志李
元方嘗刻碑于有待巖謂齊山大小泉凡十一而半
巖爲勝秋浦千重嶺而水車嶺爲最奇巖壁之號十
五而有待爲大壑之號九而上清爲最洞之號十四
而潛虬爲奇又有洞五曰半巖曰寄隱曰子昭曰妙
奉曰翠微翠微特高尤宜登眺則知太白之詩爲紀
實宋詩人郭詳正嘗追和秋浦歌亦稱此曰萬文水
車嶺還如九疊屏北風來不斷六月亦生水寄岸枝
見六

卷註

其九

江祖一片石青天掃畫屏題詩留萬古綠字錦苔生

齊賢曰下云江祖出魚梁即此江祖朝野僉載曰梁
庾信至北方曰惟韓山一片石可共語士贊曰劉孝

標廣絕交論歷
萬古而一遇

其十

千千石楠樹萬萬女貞林山山白鷺滿澗澗白猿吟

君莫向秋浦猿聲碎客心

齊賢曰尸子曰土積則生
梗楠豫章陶隱居云石楠

葉如枇杷上林賦豫章女貞張揖曰女貞木葉冬不落
士贇曰漢書趙后傳孝成皇帝至思所以萬萬于

衆臣

其十一

邏人橫鳥道江祖出魚梁水急客舟疾山花拂面香

齊賢曰晉羊祜屯襄陽咸戍邏之半士贇曰新安郡
志自睦州清溪縣界至歙州皆鳥道縈紆晉書陶侃

母傳侃少爲尋
陽吏嘗監魚梁

其十二

水如一匹練此地卽平天耐可乘明月看花上酒船

王贊曰家語顏回望吳門見一匹練孔子曰馬也此用其字增經曰陳大仙謂六祖曰若要結塔只願平天不願平地祖云我只平天我不平地

其十三

淥水淨素月月明白鷺飛郎聽採菱女一道夜歌歸

齊賢曰古詩素月流天毛詩白鷺于飛吳都賦或踰淥水而采菱淮南子歌採菱發陽阿也王贊曰何晏景福殿賦淥水浩浩楚辭涉江採菱發陽阿謝靈運詩採菱調易急江南歌不緩

其十四

爐火照天地紅星亂紫烟
被郎明月夜歌曲動寒川

齊賢曰此言方士煉丹爐火熾然照耀天地時有紅星紛起于紫烟之中被赤赧面愧赤乃叛反猶言愧汝明月之夜歌曲之聲振動寒川也士贇曰劉向列仙傳贊紫烟成蓋或曰被郎吳音也歌者助語之辭爐火恐只漁人之火子見以爲煉丹之火恐非是

其十五

白髮三千丈綠愁似个長
不知明鏡裏何處得秋霜

士贇曰此詩殢形泥跡之人多致疑三千丈之語蓋詩人遣興之辭極其形容耳觀者當不以文害辭不以辭害意可也第二句云綠愁似个長意亦可見後聯云不知明鏡裏何處得秋霜活活脫脫真作家語

也段

其十六

秋浦田舍翁採魚水中宿妻子張白鵬結罾映深竹

齊賢曰宋武帝紀大明中孝武壞高祖所居陰室照
玉燭與羣臣觀之床頭土障壁上掛葛燈籠麻繩拂
侍中袁顥盛稱帝儉德孝武不荅獨曰田舍翁得此
以爲過矣西京雜記閩越王獻高帝白鵬黑鵬各一
隻疑其罕見今湖南多有之王贊曰唐書太宗怒魏
徵曰會須殺此田舍翁謂農父也釋文白鵬形似雉
白花紋而尾長班固西都賦曰招白鵬詩肅肅兔置
注曰兔網曰置此乃刺時之詩謂夫妻罔利于水陸
之間生意盡矣寄興
深遠觀者留意毋忽

其十七

桃波一步地了了語聲聞聞與山僧別低頭禮白雲

齊賢曰漢食貨志六尺爲步士贊曰陶隱居詩山中多白雲

當塗趙炎少府粉圖山水歌

峨眉高出西極天羅浮直與南溟連

齊賢曰九域志循州有博羅山

浮海而來博羅山故名廣州亦云有羅浮山士贊曰峨眉山見前三卷詩註列于西極之國漢書天馬歌天馬來從西極雲笈七籤羅浮山高三千六百丈洞周迴五百里名朱明耀真之天是蓬萊之一島也堯時洪水浮海而來泊于羅山二山相合故曰羅浮山即抱朴子葛洪煉丹得道處在惠州博羅縣莊子南溟者名公繹思揮彩筆驅山走海置眼前蒲堂空

天池也

翠如可掃赤城霞氣蒼梧煙

齊賢曰孔靈符會稽記赤城山色皆赤狀似雲

霞懸溜千仞謂之瀑布天台賦赤城霞起而建標九
疑山一名蒼梧山在道州寧遠南六十里士贇曰雲
笈七籤天台赤城山高一萬八千丈洞周廻五百里
名上清玉平之天即桐栢王真人所理葛玄仙翁煉
丹得道處上應台宿故名天台在台州天台縣記檀
弓舜葬于蒼梧之野傳以爲南越地今屬廣西梧州
蒼梧縣也

洞庭瀟湘意渺綿三江七澤情洄沿驚濤洶湧

向何處孤舟一去迷歸年征帆不動亦不旋飄如隨

風落天邊心搖目斷興難盡幾時可到三山巔

齊賢曰禹

貢三江既入震澤底定注震澤吳南太湖名言三江
既入致定爲震澤子虛賦楚有七澤毛萇曰逆流而
上曰溯洞孔安國書傳順流而下曰沿士贇曰長沙
志洞庭之水瀾爲七百里日月出入其中圖經瀟水
去零陵縣三十步源出九疑山至永與瀝水合湘水
在零陵北十五里其原自全來永與瀝水合二水合

流謂之瀟湘瀟湘者水清深之名也羅含湘中記湘
水至清深五六丈下見底了了石子如桴蒲白沙如
霜雪赤坼若朝霞郭璞山海經注巴陵縣有洞庭陂
江湘沅水皆共會巴陵故號二江口也顏延年詩三
湘淪洞庭七澤藹荆牧謝靈運詩水涉盡洞沿潘岳
詩幹流隨風飄左傳心搖搖如縣旌晉王子猷曰興
盡而反三山指西峰崢嶸噴流泉橫石蹙水波潺湲
海中三神山也

東厓含杳菽輕霧深林雜樹空芊綿此中冥昧失晝

夜隱几寂聽無鳴蟬

王贊曰楚辭下崢嶸而無地又觀流水之潺湲謝靈運詩石橫

水分流又石淺水潺湲漢息夫躬傳狂夫鳴譟于東厓芊綿字見一卷注周易注始于冥昧莊子曰隱几

而長松之下列羽客對坐不語南昌仙南昌仙人趙

夫子妙年歷落青雲士訟庭無事羅衆賓杳然如在

丹青裏五色粉圖安足珍真仙可以全吾身

齊賢曰天台賦

藉萋萋之纖草蔭落落之長松又曰仍羽人于丹丘山海經有羽人之國不死之民梅福爲南昌尉後棄官歸壽春王莽專政一朝棄妻子去九江至今傳以爲仙其後有見福于會稽者變姓名爲吳市門卒云趙炎爲少府故比于福世說周伯仁嘗道桓茂倫曰嶽嶽歷落可笑人也士贇曰青雲士見二卷注史東方朔傳宮殿中可以避世全若待功成拂衣去武陵身何必深山之中蒿蘆之下

桃花笑殺人

齊賢曰老子功成名遂身退天之道也左傳叔向拂衣從之士贇曰謝靈運詩

高揖七州外拂衣五湖裏武陵桃源事並見二卷注

永王東巡歌十一首

按此詩止當十首第九首乃僞廣之作士贇曰永王

璘少失母肅宗自養視之長聰敏好學貌陋甚不能正視旣封領荊州大都督安祿山反帝至

扶風詔璘即日赴鎮俄又領山南江西嶺南黔
中四道節度使少府監竇昭爲副璘至江陵募
士得數萬補署郎官御史時江淮租賦鉅億萬
在所山委璘生宮中于事不通曉見富且強遂
有窺江左意肅宗聞之詔璘還覲上皇于蜀璘
不從其子襄戍王陽剛勢乏謀亦樂亂勸璘取
金陵即引舟師東下甲士五千趨廣陵以渾惟
明李廣琛高仙琦爲將然未敢顯言取江左也
會吳郡採訪使李希言平牒璘因發怒曰寡
人上皇子皇帝弟地尊禮絕今希言乃平牒抗
威落筆署字何耶乃使惟明襲希言而令廣琛
趨廣陵攻採訪使李成式璘至當塗希言已屯
丹陽遣將元景擢等拒戰不勝降于璘江淮震
動明年肅宗遣宦者啖延瑤等與成式謀招諭
之時河南招討判官李銑在廣陵有兵千餘延
瑤邀銑屯楊子成式又遣裴戎以廣陵卒三千
戍伊婁埭張旗幟大閱士璘與陽登陴望之有
懼色廣琛知事不集謂諸將曰與公等從王豈